

密陽朴氏世譜序

夫國有史家有譜言雖殊而理則一故譜者人家之史乘而宗族之春秋也溯乎祖先上下之序次井井得以無闕疑難稽之慮暨乎姓孫遠近之昭穆哲哲得以保花樹敦睦之風此與國朝因史以證興亡盛衰相表裡其重願不大歟惟我朴姓自新羅始祖王得姓至八大君分封則璿源系矣載在史乘更無足以贊述而密城大君居長八大君以後千有餘年之間忠孝名碩前後相望麗億雲仍布在八域於赫爲東方之大姓屢經兵燹無證可攷亦不免中失以四門進士公爲中祖更起世次茲豈非譜之所以不作而然耶貫密之大同譜則始於英宗辛酉而辛未甲戌是也吾宗之合譜則哲宗庚戌是也各譜其譜則難以指屈於是乎中祖以後之上下聯系前後名碩之偉勳懿績昭乎日星得免杞宋之憂其所以明本源之所自出而別宗族之所由分者實莫勝乎世譜古之君子更二三世輒增修而傳之之意亦不外乎此曷不可尚歲丙午之春三月望日即諫議公貞齋公歲享之日也吾宗大同合譜之論始發於瑩下三松齋宗會之席僉曰惟我四門進士公派合譜在於先庚戌而

已百有餘年于茲矣其間宜有一二次之增修而事係重難因循至此實吾輩之恨  
而今則歲久地隔派分族遠居於東者難記其西居於南者殆忘其北近若遠親若  
踈以一祖之孫而視若路人然良可歎也况國土兩斷治亂無常外俗日侵綱常陵  
夷東西奔走離合無定人心因以浮揚汲汲於塵白之利末而莫知秉彝之所在今  
又不修能無後日追悔難及之慮乎不可以須臾緩也盍速圖焉論議歸一責余以  
首任於乎余亦修譜不止一再亦不無卒卒未盡之歎而今則已衰耗殘軀兼又拙  
劣豈其獨當堪勝辭之累而責益固竟不獲已而始役殺到之單不爲不多而其精  
疎不一記錄各殊許多有參差矛盾之端循度修編亦以難矣况先後之役大小之  
工雖勵精殫力而事巨力綿隻手難速乃四閏免霜而始克成編總十五局也雖不謂  
之至精至密而總其綱而序列祛其僞而取真上下之序次遠近之昭穆及後屬之  
居所一開卷而瞭然如指掌則其於聯系合族亦不無少補云爾是譜也庚戌後初  
有之盛事則惟我同譜之人深銘歐文忠蘇老泉作譜垂後之古事使孝悌忠厚之  
心油然而克敦尊尊親親之義無至若前日踈遠之歎則是不負祖先一視同仁之

盛意而千派一源萬枝同根之理於斯明矣宜各勉之哉勉之哉且是役也遠近宗族之贊謀聲援靡不用極而惟湖南之俊相關東之泳相兩宗氏之用力最有著焉譜既成要余以弁文難以無文辭畧摭顛末如右後之人若知今日之刻苦而續修則吾宗之瑞運愈久愈昌而斯譜之修纂庶幾有補也夫

歲新羅紀元二千二十六年己酉菊秋上浣貞齋文敬公二十四世孫準璇謹叙譜者所以明系合族也窃惟我姓朴自新羅始祖王始而至羅季有八大君分封密城大君最長吾宗受貫之祖而有德且仁厚上紹祖宗積累之遺緒下垂子孫綿遠之餘慶歷麗迄今派流甚繁其麗不億名公巨卿鴻儒碩德忠孝文章蟬聯踵出遂成我東之大姓猗歟盛哉然古不作譜大君之後亦不無難放以四門進士公爲中祖曷勝歎恨興湖禮安公慨然于斯竭力蒐集僅成一卷而亦未得成完哲宗庚戌編成五局於金堤楸下是四門進士公派大同之合譜也於是乎聯系宗正澈上澈下遠近昭穆濟濟晰晰便成吾宗一大春秋豈不嘉尚爾後百有二十年之間增修之論不止一再而因其難涉遷延支離者勢固然矣何幸曾於三松齋宗會之席敦

議成焉始役於屏山宗堂鋟梓於達府工社編成十五局是已酉譜也上述璿源系  
下列姓孫錄上下系統條理井井遠近昭穆次第濟濟開卷瞭然有若干派一源萬  
枝同根而遠者近踈者親孝悌之心敦睦之風豈其強勉應亦油然而生矣世譜之  
於人其所關所係顧不重且大歟余亦興於斯感於斯即欲罄竭諸萬一而老不能  
筋力之使長子永達助役而渠亦職事所繫未得總力焉誠非不足勢所然矣慨歎  
不已是譜也專其役而先後之者準璇甫也贊其謀而殫力之者俊相泳相甫也其  
苦亦何如哉不佞雖未得同苦而贊謀協助之心則亦不下於人乃忘拙構辭畧叙  
編修之顛末而以寓興感之萬一云爾

同年月日

裔孫泰鎬謹序

噫此我中祖四門進士公派世譜也初我密城之朴只記系籍可攷縣監諱處厚以  
四門進士公爲中祖蒐集諸家之單而僅成一卷辛未譜是也後百有餘年庚戌之  
歲始合修於金堤三水洞之先齋是吾宗大同合譜之始也於是乎系統整焉昭穆  
明矣世代之繼承宗族之派分昭然可證而由來異疑端釋然是正實吾宗之盛事

而百代之春秋也後人體此先父老厲苦之功裕後之澤則宜有間世續修而百有  
餘年之間只譜其譜未得大同者亦因其所居相遠未易合謀也是吾宗之恨而幸  
於丙午之春增修之論始發於金堤三松齋僉意詢同乃先後大小之役責之準璇  
君君是我貞齋先祖之胄孫而明於史譜臨事不屈者也初雖謙退終難辭諸即興  
萬頃之俊相原城之泳相甫是謀是議克勤克苦免四星霜而剗劂氏告功總十五  
局其賢勞果何如哉因是惟我中祖之麗億雲仍敘列一乘源派井井昭穆晰晰上  
可以聯系於百代之遠下可以合族於千里之外有若干派一源萬枝同根遠者可  
近踈者可親庶不負吾祖一視同仁之義而孝悌敦睦之心亦不待強勉而油然矣  
豈不嘉尚歟同吾譜者觀此而益篤親親近近之誼無至若前日之踈遠則是合今  
日修譜之意而吾所望於同宗者也不佞忝在任末即當踢蹶之不在人後而老且  
病未補其大事之萬一恨莫甚焉畧記譜役之始終以寓微衷之一端云爾

同年月日 後裔基萬敬書

夫姓者統其祖先之所自出者也族者別其子孫之所自分者也同其所出而明其

所分合而籍之謂譜譜則家史也雖千派萬支溯其源則一家也觀譜而不惕然而思尊重之道油然而生孝悌之心則其可曰彝情也哉惟吾貫密之朴其世有遠其麗不億初不大同而各修派譜以來也吾宗則以四門進士公爲受系之祖凡有修譜者三營於嶺閣者曰辛未譜金堤者曰庚戌譜槐谷者曰甲子譜是營也吾王考與之周章而實恨其未圓也考其年數則自辛至庚百有餘年自庚至甲七十有餘年今距甲四十有六年古緩而今速非古疎而今親也古之世淳而縱緩無弊今之世滑而雖速難完胞族之散在四方者營汨冗故不遑講誼其不以魯衛之親視若秦越之瘠者幾希此所以速於修而不可緩者也宗長老惟是之懼竣發公議費更物時譜單集而敦役於達府印社役既就緒謂余爲龍巖公之嗣命置一言於卷端顧不佞不敢當是責而已於舊譜備載序跋錄例先世之功名勳業繼後之文學德行歷歷可攷而其眷眷於敦倫睦族之意者悽然可感不必外此而提煩也是營也準璇俊相泳相氏倡始而任終焉俱書顛委以備覽者之有考焉

同年月日 龍巖公十六世孫仁熙敬書

舊譜原叙

惟我東方之有朴自羅祖而始焉歷南鮮儒理諸王至八大君以分封之縣各以爲貫鄉而密城大君序居第一遂爲東國之大姓牧隱李文靖先生嘗云八家皆有其後而密城之朴尤著蓋自麗朝以來名碩輩出忠孝文章爲世所推而然也嗚呼大君之後屢經滄桑文獻無稽世次不明旣失中祖之分派我朝以後雖或有譜牒之記只錄其派祖故興湖禮安公宰邑時遂使諸宗裒輯家乘刊出一卷譜即國子進士公以下派系也其後嶺南宗人刊行聯系大譜而列書十二中祖各系其派裔則其次序昭穆之義恒淆而不可攷矣殆近百有餘年而更無派譜則子孫之在於西者不能識其東在於北者不能識其南親親敦睦之誼自此而絕矣余嘗慨恨于中矣昨年春金堤宗人首發合譜之論以爲久遠之圖其可驚可尚也爾噫在昔歐文忠蘇老泉各有世譜其年表禮宗例雖不同皆足以考其世次矣蓋不知世次則無以知其遠近親疎之別本源之所自出也譬諸水與木其初一源一根而已源淡而派分根固而枝繁人亦何異於是其初一人之身而分之也自兄弟而至於無服之

親自此而漸遠則親盡情盡若路人然豈可以疎遠而泛忽耶然吾國子進士公之後孫蔓延於各道者不知其幾許而或湮滅而無聞或流落而不知其處不得一合族同譜是可歎也昨秋不佞先爲來到於左相公貞齋公墓下譜所與本所宗人存恒存輝甫善山宗人耆萬甫及吾鄉數三宗人團議敦事凡七更朔而剗劂氏告功此豈非一代盛事耶嗚呼凡我同譜之人先以孝悌相勗次以忠厚敦睦爲心母至如前日之疎遠則其亦可嘉也歟

崇禎紀元後四庚戌正月日後孫秀衡謹識

# 密陽朴氏世譜卷之一

## 新羅璿源系

一世

二世

三世

四世

五世

六世

七世

八世

始祖王嗣南鮮王

嗣儒理王

嗣逸聖王

嗣阿達羅

男碧芳

子武英

子判得

姓朴氏諱赫居

世漢宣帝地節

元年壬子秋七月

聖母自仙桃

王

追封葛文王早

卒○墓金西門

余解王昔氏朝

前山君○配李

露四年辛未誕

生元始四年甲子立號次次雄

申立漢光武中

元二年丁巳冬十月薨在位三十

永興二年甲午

順陽嘉三年

甲成立漢桓帝

立漢靈帝中平

山降于楊山蘿井始祖誕降有

三年丙寅春正月立

陵同原卯坐○

王妃金氏封明

宣王后葛文王百十一○陵國

都南七里蟹日

昔氏誕二男

籍下醬田洞卯

神異祥宣帝五年

鳳元年甲子夏始祖廟四時親

祭漢更始二年

王妃金氏封明

永興二年甲午

順陽嘉三年

永興二年甲午

立漢桓帝

國號徐羅號居

西干漢平帝元在位二十一年

甲申秋九月薨

日如女誕二男

都南七里蟹日

昔氏誕二男

籍下醬田洞卯

始四年甲子春

壽七十四○陵

子坐事實載史

都南七里蟹日

昔氏誕一男

籍下醬田洞卯

三月薨在位六年

先陵同原卯坐

譜王以遺命傳

西門外子坐○

史譜

十一年壽七十

○王妃金氏封

建初五年庚辰

脫解王薨復傳

王女事實載史

譜太子阿達羅

三〇陵國都南

七里曇岩寺傍

雲梯夫人誕二

男二女○陵方

○王妃閼英氏

南亭藪內卯坐

山子坐

姓朴氏諱赫居

世漢宣帝地節

元年壬子秋七月

聖母自仙桃

王

追封葛文王早

余解王昔氏朝

前山君○配李